

آبونه شرائطی : هریر ایچون
سنه لکی (۴۰۰) الی ایلی
(۲۲۵) ممالک اجنیه ایچون
سنه لکی (۴۵۰) ، آلی ایلی
(۲۵۰) غروشدر .

نسخه سی ۷،۵ غروشدر .
سنه لکی ۵۲ عدددر .

اداره خانه : باب عالی جاده سنه
رشید افندی خاندنه

اخطارات

آبونه بدلی پشیندر .

مسلكه موافق آثار مع المنونیه
قبول اولنور . درج ایدله بن
یازیلر اماده اولنماز .

والله یهدی من یشاء الی صراط مستقیم

تذکره

آدره سی تبدیلینده ایریجه
غروش کوندرملیدر .

مکتوبلرک امضاری واضح
واوقوناقلی اولسی وآبونه
صره نومروسنی محتوی
بولونسی لازمدر

ممالک اجنیه ایچون آبونه
اولانلرک آدرسلرینک
فرانسزجه یازلسی رجا اولنور .

پاره کوندرلدیکی زمان نهیه
داثر اولدینی بیلدیرلسی
رجا اولنور

آبعون اهدکم سییل الرشاد

صاحب و مدیر
اشرف ادیب

باش محرر
محمد ماکف

کچن کون طین غزته سنک هیئت تحریریه مدیری بهابک کنج خرسیانلر جمعیتک کویله وارنجیه قدر آناطولینک هر طرفنده شعبه لر آچسنی ، سلائیکی صبیحه ذکر با خانم ده کنج خرسیانلر جمعیتک وظیفه سنی تورک اوجاقلرینک درعهده ایتمسنی تکلیف ایدیورلردی . بوتکلیفلر بالطبع ملته بر خدمت اولق اوزره ایلری سورولمشدرا بویله تکلیفلر ده بولونانلر کنج خرسیانلر جمعیتک آمال و مقاصدنی بیلمز لری ظن ایدرسکنز؟ بهابک سنه لرحه کنج خرسیانلر جمعیتک ایچنده چالیشدیغنی سویلور . صبیحه خانم ده آمریقا ده تحصیل ایتدیکی جهته کنج خرسیانلر جمعیتک مقاصد اصلیه سنی هر کسدن زیاده ای بیلدیکنه شبهه یوقدر . بونلرک بویله تکلیفلر ده بولونه جقلری طبعیدر . چونکه وظیفه لریدر . فقط بونلری حکمدن اسقاط ایدمک تدایر لازم ، انخادی ده اولیای امورک ال متحتم وظیفه سی دکلیدر؟ کنج خرسیانلر جمعیتی بو کون آمریقا ده تورکر علیهنده پروپاگاندا یاپیورسه اونی ده طبیعی کورمیدر . چونکه وظیفه لریدر . بونی بیلهرک بنیان ملی بی توهینه چالیشان و بزنی جهان نظرنده باربار کویسترن بر مؤسسه یه قارشی قاپولرینی آچیق بولوندورماق ده بزم وظیفه مز دکلیدر؟ بز وظیفه مزنی ایفا ایتمزسه ، بالعکس اونلرک وظائفنی تسهیل ایتمش اولورسه قساحت کیمده در؟ بوقدر دیدی قودیلرله مشغول اولان یومی غزته لر بنیان ملی بی کیرمکده اولان بو یابانچی مؤسسه لر حقنده براز تحقیقات و تعمیقانده بولونسه لر نیجه حقیقتله واقف اولورلر ...

* *

مفرد مادبیر سنکک تولید ایتدیکی نفاق و شقاق

منور زمره آره سنده کی نفاق اوشقاق صوک کونلر ده بو سبتون آلونلدی . یومی غزته لرلی او قویانلر بونفاق و شقاقک نه درجه لره کلدیکنی کورورلر . اک عقلی باشنده عد ایدیلن آداملرک یکدیگرینه قارشی صا ووردقلری کفرلرک ، شخصی تجاوزلرک آردی آرقه سی کله یور . آقسام غزته سی ده بو وضعیته حیرت ایدیور :

« هیمز جمهوریت پرورز ، ترق پرستز ، یوزمن غرنده در . برسپیلر من بر ، جهتمز عینی . اگر آرانسه هیچ بر مملکتده وطنداشلی اتحاد ایتدیرمک ایچون بو قدر مساعد ائتلاف زمینی بولونماز . فقط اوزاقدن ، یاقیندن ، تورکیا بر نفاق اوجانی منظره سی کویستریور . »

دیور . « شخصلرک ، شخصی کین ، حسد ، منفعت و حرصلرک هر تورلو پرهنسب و فکر محبتنه ترجیح ایدلدیکندن » شکایت ایدیور . مملکتده کی منور زمره نیک بو وضعیته دوشمنی حقیقه شایان تأسفدر . فقط یوزلرینی « غرب » ه توجیه ایدنلر شخصی کینلردن ، حسدلردن ، منفعت و حرصلردن ناصیل تجرد ایدم بیلرلر؟ غرب شخصی کین ، حسد ، منفعت و حرص دیاریدر . بو کون غرب قدر اجتماعی

قالماز . بز اکر ملتیزک سلامت و استقلالنی تأمین ایتمک ایسترسه ک مدرسه لری قاپاتمق دکل ، تزید ایتمه من ایجاب ایدر . شرائط لازمی حائر دکل ایسه لر اصلاح ایتمک وظیفه مزدر . یوقسه ییقمق لازم کلز . هر اصلاحه محتاج شیئی ییقمق لازم کلسه او وقت اورته ده هیچ برشی قالماق ایجاب ایدر .

شیمدی اسلامیتی مدافعه ونشر ایدمک مدرسه لر قاپاتیلدی . فقط کنج خرسیانلر جمعیتی ، روبرت قولزلر ودها بر جوق اجنبی مؤسسه لری دوریور و فعالیتلرنده دوام ایدیورلر . هیچ اولمازسه اونلر ده قاپاتیلماق لازم کلمی ایدی؟ اکر کنج خرسیانلر جمعیتی قاپاتمه یه قدر تمزسه بونک تأثیراتی ازاله ایچون یانی باشنده بر قاج مدرسه تأسیس ایتمه من ایجاب ایدردی . بزم یاپدیغمز ایش بندیکمز دالی کسمکدن باشقه برشی دکل . مدرسه لر قاپاتمجه بالطبع دینی نشر و مدافعه ایدمک طلبه بعدما یتیشمه یه یچک ، بونک نتیجه سی معنوی جبهه من مدافعه سز قاله جق . مملکت مزده کی پروتستان و قاتولیک مؤسسه لری ایسه میدانی بوش بولورق فعالیتلرینی آتیره جقلر؟ تنصر تهلیکسه باش کویستره جک . ایش بو حاله کلدکدن صوکره آرتیق بزم اسممیزک خریطه جهاندن سیلنه جکنه شبهه ایتمه ملیدر .

الهیات فاکولته سی ، اکر اوکا منشأ اوله جق مدرسه لر اولمازسه ، عمری موقت اولور . بو کونکی طلبه دن باشقه اورابه کله جک اولماز . لیسه لر سز دارالفنون یاشایه بیلریمی؟ امام و خطیب مکتبلری ، اکر دوام ایدم بیلرلرسه ، اورادن آنجق امام و خطیب یتیشمه یله جک . فقط دارالفنون کیره بیلیمک ایچون بر امام معلومانی کافی اولما دیغنی بیلیمه ین بوقدر . اساساً بو امام خطیب مکتبلری ده یک محدوددر . یکریمی اوتوز یردن باشقه مملکتک بوتون قصبه لری ، ناحیه لری مدرسه سز قالمشدر . اورالده امام خطیب ده یتیشمه یه جکدر . ذاتاً دارالحنفاظرده قاپاندینی ایچون بعدما امام یتیشمه سنده امکان قالماشدر .

توحید تدریسات قانونی بوقدر یا کلش و روح قانونه مغایر بر صورتده تطبیق ایله مملکتک معنوی جبهه سنی مدافعه سز بر حالده بر اقلری بویوک ملت مجلسنک هر حالده مسئول ایدم جکنه وسدی هیچ بر قانونه مستند اولمایان مدرسه لری تکرار کشاد ایدم جکنه شبهه یوقدر . بر آدم چیقار ، یاقانونی یا کلش آ کلابه رق یا کلش اجرا آتده بولنور ، یا خود خصوصی اجتهاداتنی تطبیقه قالنار . فقط ملت مجلسنی بو خطالی کورور کورمن اونلری تصحیح ایتمکله مکلفدر . بز بو خطالی وضعیتک تصحیح اولونه جفته هیچ شبهه ایتدیورز . دینی دین اسلام اولدیغنی قانون اساسیسنک باشنه یازان واحکام شرعیه نیک تنفیذنی درعهده ایدن بر مجلس البته مسلمانلرک تعلم و تعلم ایدیله جکی یرلری سدوالغا ایدوب ده ملتک معنوی جبهه سنی مدافعه سز بر حالده بر اقلار .

محرر تورک یوردینک و او جاغنگ تملاری آیلدینی زمان وضع اولنان « تورک ، مسلمان و شرقی ، دستورلرندن بحث ایتدکن ، شرق ایله ضرب باشقه باشقه مللر اولدینی ایضاح ایتدکن سوکره اوج جلدک مهم بر آسیا تاریخی ایله « آسیانک انتباهی ، عنوانی کتابک مؤلفی اولان موسیو (غروسه) نک برسوزنی نقل ایدیور. موسیو غروسه دیورکه : « غرب کندی باشه « فن » ی یاراتمشدر و غربک نمترینی رد ایدنر بولردن حالا متمم اولمده بردوامدر . اوت ، بو ادا دوغریدر . فقط غرب مدینتک اکتساب ایتدینی شکل ، که صرف مادی و میخانیکیدر ، قلب و روح ایله اصلا علاقه دار دکدر ، بوشکی تصویب ایتک ممکنیدر ؟ انسانی استحصال ماکنه سنده بر چرخ و آلت حاله کترین بو صنایع مدینت ، بار بارغه دوغری رجمتک عجا مقدمه سی دکیدر ؟ . »

(زایلو دووسکی) نامنده بر آوروپالی محررک خسته آوروپا حقنده بویوک بر مجموعه ده انتشار ایدن مقاله سندن اقتباس اولونان سوزلرده اهمیتلی در . موسی ایله زایلو دووسکی دیورکه :

« بو حالت روحیه نک - یعنی مدینت حاضره دن نفرت حسیله یکی بر مدینت اساسی تحریسی آرزوسنک - شو ساعتده آوروپائی یعنی بوتون آوروپا به شامل بر حاده اولدینی انکار قابل اولمایوب یالکز بونک شکلی مملکت کوره مخالف ایتکده در . هر پرده بو کیتدکجه آرتان اندیشه نک اعراضی کندینی کورسترمکده در ، موجود مفکوره نک شمیدیکی روحک امللرینی تطمین خصوصنده کی کفایتلرکی هر طرفده حس اولونیور ، هر طرفده فکری بر عطاک و دورغونلق ایله هر شیئی بر مسئله یاغی آرزوی فلاکت انکیزی نظره چارپیور . »

توحید انکارک محرر محترمی ، « مملکت مزده اوقدر حرارتلی طرفدارلری و مفتونلری اولان غرب مدینتک دها شهیدن تفسخ و یاخود انفساخه باشلا دینی و آوروپانک هر طرفنده بومدینتی قورتارمق ایچون آسیادن ، شرقدن فیضلی ، محی یکی بر مفکوره اقتباس ایدلک آرزو اولوندینی « ایضاح و اثبات ایتمش اولدقن سوکره صوک سوز اوله رق دیورکه : « بزده کی متفکر زمره نک مفرط غریبلیق جریانک تهلکسی وقت کچمه دن نهایت ادراک ایتلرتی تمی ایلرز . »

* *

اوقافک دانس سالونلری یا بیرسی !

اوقاف مدیریت عمومی سنک انقره ده انشا ایتدیرمکده اولدینی عصری اوتلده عصری دانس سالونلری یا پدیره جغنی خزینه لرده حیرتله اوقودق . اوقاف و کالی مدرسه لر و جامعلر انشاسی یرینه دانس سالونلری یا پدیرسه اللهک عقلمیزی باشمزدن آلدیغه آرتیق شک ، شبهه قالماز . اوحالده اوقاف نظرنده هیچ برشینک اصلی یوقدر ، هر شی بوشدر ، (وقف) ده نیلن شی ده بوشدر ، (شرط واقف) کده اهمیت یوقدر ، (نص شارع) ده حکمسزدر ، حق تصرفده معناسزدر ا باری عصری اوقاف مدیریت بر بیاننامه نشر ایدره رک بونلرک هیچ برینک اصلی اولما دینی اعلان ایتسونده اوندن سوکره دانس سالونلری و دها دیگر نوع سالونلر انشا ایتدیرسون . (لاحول و لا قوة الا بالله) .

سیاسی مجادله لرک ، مناقشه لرک ساحه جریانی اولان بر یوقدر . اورا به توجه ایدنلرکده عینی نفاق و شقاق منظره سی کورستره جکلری طبعیدر . بومناسبتله اقدام صاحبی جودت بک یازدینی بر مقاله ده کورولن فنا علامت لک چوق ساده اصلره منجر اولیور دیکنی ایضاح ایدیورده سوکنده دیورکه :

« اوغرا دیغمز مفرط مادیت پرستک بزه دها چوق فسالقر ارتکاب ایتدیره جکدر . بتون مکر مات حکمدن ساقط اولویور . بیعی بر یاشا یشدن کام آلمدن باشقه بر دوشونجه قالمشدر . بوکون مادیتک بزده نصل پیدا اولدینی پروفه سور مالا به رک مشهور بر اترنده کی خطابه سندن آکلایه بیلیرز . پروفه سور دیورکه : « بعض آدملر بر شی آکلایه دن انکاره قالمشقه و بیله دن استهزا ایتکله کندیلرینی حریت عقلیه به مالک ظن ایدیورلر . عقل و ادراکلرینک قیمتنی طریق اعتدال دن چیته رق منکر اولقله و بکنم دکلینه غیظ و نفرت کورسترمکله اولویورلر . اولره صافدرون ، حادی کورونک قورقوسی کلپور . مقدسات ایله اکلنک اعتیادندن باشقه بیوکک کورسترمین بر فلسفه به کی ریورلر . »

ایشته بزده دوچار اولدیغمز بودر . یکی بر آدم کورینه لم دیبه کندی عیزی مظلم و ادیلره آتیورز و پرانسیسزلکله بیرانیورز . بو طریقله اصل ترقیات عقلیه و فکریه به ایلرز . بز بصورتله کیردیکمز نی و انکار و ادیسنده بر پرمزک اک میجل اولان شخصیت ممنویه سیله ده استهزا ایدیورز . بوله بر ملت اصلاحرت صاحبی اوله ماز . »

* *

ملتی غریب و شیرینی اهل و انفساخ ایتدیرمک و بکدر

توحید افکار رفیقمز شرقیلق و غربیلق حقنده ایکی مهم باش مقاله نشر ایتدی . علمی تدقیقاته مستند اولان بومقاله لر قارشی غریبیلر هیچ بر جواب و یرمه مدیلر . غریبیلری خیلی صارصان بومقاله لرک بعض مهم فقره لرینی عیناً نقل ایدیورز :

« غریبیلق جریانی مع التأسف یالکز آوروپا اصولیات و آلیانک اقتباسی استهداف ایتدیور ، اونک غایه سی تمامیه آوروپالیلاشمق و فرنگکشمکدر . اولر ایسته یورلرک تورکیه ، چک سلواکیا کی ، اسپانیا کی ، آوستریا کی بر آوروپا مملکتی اولسون . غایت غریب اولان جهت ، کندیلرینی خلقه ملیتپرور طایفان غریبیلرک ملیت دو یغوسی و دوشونجه سیله فرنگک ابتلاسی آره سنده کی تناقضی کورمه مملری و یاخود کوردکلری حالده بوتضادک کیسه طرفندن فرق ایدله به جکنه ذاهب اولمالریدر .

غریبیلرک ایکنجی بویوک غفلتی فکر مزجه غیرممکنی ایسته مملری ، استحصال ایدله به به جک برغایه آره سنده قوشالیدر . تصویر ایتدیکنم شرائط ایچنده آوروپالیلاشدیرلرک ایسته نیلن تورک ملتی انحلال و انفساخ ایده جک ، فقط فرنگکشمه به جکدر . بو امکانلرکی یالکز ملتیزک عظیم اکثریتک منق اراده سندن نشأت ایتدیور ، اونی احداث ایدن شی ، معنویات طانک تابع اولدینی لایتتیر قانونلردر . مجارستان مثالی بوراده بر معنا افاده ایتز ، بوندن اون عصر اول هنوز هیچ بر حرث و عرفانه مالک اولمایان مجار کتله سنک خریستان اولدقن سوکره تمامیه آوروپالیلاشمه سی ، آره سنده اک آشاغی بک ییلق بر عرفان حمله سی اولان تورکیه نک بکر منجی عصرده عینی استحاله بی بکیره سیله جکنه دلالت ایتمدن بک اوزا قدر . »